

**Togʻ-kon sanoati va geologiya vazirligi va tizim korxonalarida  
2025-yilning I yarim yillik davomida korrupsiyaga qarshi kurashish  
sohasida amalga oshirilgan ishlar toʻgʻrisida  
HISOBOT**

Togʻ-kon sanoati va geologiya vazirligida 2025-yil davomida korrupsiyaga qarshi kurashish sohasida amalga oshiradigan chora-tadbirlar Dasturi ishlab chiqildi va tasdiqlandi hamda mazkur hujjat doirasida tegishli tadbirlar amalga oshirildi. Hisobot davrida mazkur Dasturdagi 42 ta tadbirlar belgilangan muddatlarda amalga oshirilgan, shundan 18 ta tadbirlar bajarilishi doimiy amalga oshirib kelinmoqda.

Korrupsiyaga qarshi talablar va axloqiy meʼyorlarga va qonun hujjatlariga qatʼiy amal qilishga doir bevosita Kon-geologiya vaziri B. Islamov tomonidan 30-iyun kuni tadbir oʻtkazildi va unda har bir tizim korxonalari oʻz faoliyatida ochiqlik va shaffoflikni taʼminlash natijasida eng muhim samaradorlik koʻrsatkichlari (KPI) bajarilishi toʻgʻrisida jamoatchilikni xabardor qilish bilan birga korrupsiogen omillarga barham berish choralarni koʻrish toʻgʻrisida topshiriqlar berilgan (bayon №31-25).

Hisobot davrida vazir oʻrinbosari U. Yusupov vazirlikning Odob-axloq komissiyasi yigʻilishlarida oʻz chiqishlari, vazir maslahatchisi M. Pirojkov tomonidan 2 ta tadbir davomida mazkur sohadagi amalga oshirilayotgan ishlar qayd etilishi bilan birga, xodimlarning mazkur sohadagi bilim va koʻnikmalarini oshirishga doir seminarlar oʻtkazildi.

Kon-geologiya vazirligida korrupsiyaviy holatlarni oldini olish maqsadida ishonch telefoni va telegram bot kanali toʻgʻrisidagi maʼlumotlar tizim korxonalarining axborot resurslari orqali ommalashtirildi, rasmiy veb saytida esa “Korrupsiyaga qarshi kurashish” boʻyicha alohida sahifasida sohaga oid meʼyoriy hujjatlar va yangiliklar yoritilmoqda.

Bugungi kunda Togʻ-kon sanoati va geologiya vazirligi va tizimosti korxonalari — “Navoiy KMK”, “Olmaliq KMK”, “Oʻzmetkombinat” “Oʻzbekkoʻmir”, “Shargʻunkoʻmir” “Oʻzbekgeofizika”, “Oʻzbek geologiya qidruv” AJlari “Navoiyuran” DK, “Oʻzbekgidrogeologiya”, “Yer qaʼridan foydalanish markazi” DM, “Navoiy davlat konchilik va texnologiyalar universiteti”, “Geologiya fanlar universiteti”, “Gidrogeologiya va muxandislik geologiyasi instituti”, “Mineral resurslar instituti”, “Neft va gaz konlari geologiyasi hamda qidiruvi instituti” davlat muassasalari hamda Togʻ-kon sanoati va geologiya sohasini nazorat qilish inspeksiyasida korrupsiyaga qarshi ichki nazorat boʻlimlari ochilgan va jami **50 ga** yaqin masʼul xodimlar faoliyat yuritib kelmoqda.

Amalga oshirilgan chora tadbirlar natijasida Oʻzbekiston Respublikasi Prezidentining 2022-yil 12-yanvardagi PQ-81-sonli qarori talablariga muvofiq 2024-yil reyting baholash yakunlari boʻyicha Kon-geologiya vazirligi 100 dan ortiq davlat organi va tashkilotlari ichida **95 ball toʻplagan holda**, Vazirlikning korrupsiyaga qarshi kurashish ishlari samaradorligi “yaxshi” deb baholanib **2-oʻrinni** qoʻlga kiritdi.

Shu bilan birga, korrupsiyaga qarshi kurashish sohasida amalga oshiriladigan chora-tadbirlar Dasturiga muvofiq quyidagi ishlar amalga oshirildi.

## **1. Togʻ-kon sanoati va geologiya vazirligida korrupsiyaga qarshi kurashish boʻyicha siyosat va tartib-taomillar.**

Hisobot davrida korrupsiyaga qarshi kurashish boʻyicha ichki meʼyoriy hujjatlar va tartib-qoidalar, yaʼni “Korrupsiyaga qarshi siyosati”, “Odob-axloq kodeksi”, “Manfaatlar toʻqnashuvini boshqarish siyosati”, “Sovgʻa berish va qabul qilish siyosati” kabi sohaga oid 20 dan ortiq ichki meʼyoriy hujjatlar qabul qilib, Toʻplam sifatida nashr qilingan va oʻrnatilgan tartibda barcha xodimlarga tanishtirish va tushuntirish ishlari amalga oshirilmoqda.

Yuqoridagi barcha ichki meʼyoriy hujjatlar elektron tarzda axborot olish uchun Vazirlikning ichki tarmogʻi va rasmiy-veb saytida 3 ta tilda joylashtirilgan.

Bundan tashqari, hisobot davrida korrupsiyaga qarshi kurashish sohasida tartib-taomillarini tadbiq etish hamda korrupsiogen omillarni tiyib turishga qaratilgan quyidagi ichki meʼyoriy hujjatlar qabul qilindi:

- 2025-yil 3-yanvar kunidagi “Davlat xaridlariga oid hujjatlarni tasdiqlash toʻgʻrisida” 1-son buyruq;

- 2025-yil 7-mart kunidagi “Kon-geologiya vazirligida manfaatlar toʻqnashuvi tartibga solish toʻgʻrisida” 29-son buyruq;

- 2025-yil 1-may kunidagi “Sohada korrupsiyaga qarshi ichki nazorat boʻlinmalari ishini yangicha tizim asosida tashkil etish toʻgʻrisida” 59-son buyruq.

Shu bilan birga, Korrupsiyaga qarshi siyosati”, “Manfaatlar toʻqnashuvi toʻgʻrisidagi nizom”, “Sovgʻa berish va qabul qilish siyosati” talablarini xodimlarga yetkazish maqsadida prezentatsiya materiallari va davlat xaridlariga oid videorolik tayyorlandi.

## **2. Tizimda manfaatlar toʻqnashuvini tartibga solish maqsadida quyidagi ishlar amalga oshirildi.**

Togʻ-kon sanoati va geologiya vazirligida tasdiqlangan “Manfaatlar toʻqnashuvini boshqarish boʻyicha Nizom” talablari asosida korrupsiogen omillarni barvaqt oldini olish, ularni bartaraf etish maqsadida Vazirlikning barcha xodimlar tomonidan yiliga bir marta manfaatlar toʻqnashuvini oshkor qilish shakli (deklaratsiya) toʻldirilishi belgilab qoʻyilgan. Shu maqsadda Togʻ-kon sanoati va geologiya vazirligi ijro appartining jami **109 nafar** boshqaruv xodimlari tomonidan 2024-yil uchun manfaatlar toʻqnashuvi holatlarini oshkor qilish shakli (deklaratsiya) toʻldirilgan (12 ta vakansiya mavjud).

Odob-axloq komissiyasi tomonidan manfaatlar toʻqnashuvi bilan bogʻliq holatlar koʻrib chiqilganda, deklaratsiya toʻldirgan 109 nafar xodimlardan 11 tasida ehtimoliy manfaatlar toʻqnashuvi bilan bogʻliq holat qayd etildi.

Vazirlikda manfaatlar toʻqnashuvini oldini olish hamda unga chek qoʻyish maqsadida Kon-geologiya vazirining 2025-yil 7-mart kuni 29-sonli buyrugʻi qabul qilindi va tegishli chora-tadbirlar belgilab olindi. Mazkur yoʻnalishda ochiqlik va shaffoflikni taʼminlash maqsadida vazirlikning ijtimoiy tarmoqlaridagi sahifalari orqali barcha maʼlumotlar yoritilgan ([gov.uz/oz/mingeo/news/viyew/40329](http://gov.uz/oz/mingeo/news/viyew/40329) , [t.me/uzdavgeolcom/18881](https://t.me/uzdavgeolcom/18881)).

Hisobot davrida Vazirlik va tizim osti korxonalarining **35485 nafar** boshqaruv xodimlari tomonidan manfaatlar toʻqnashuvini oldini olish maqsadida deklaratsiyalar toʻldirilgan. Tahlil natijasiga koʻra jami **41 nafar xodimlarda haqiqiy** va **2813 nafar**

**xodimlarda esa ehtimoliy manfaatlar to‘qnashuvi** holati qayd etildi va mazkur holatlarni oldini olish bo‘yicha tegishli chora-tadbirlar ishlab chiqildi (*boshqa lavozimga o‘tkazish, bevosita buysinuvni o‘zgartirish, tadbirkorlik subyektlarida rahbar lavozimlardan yoki o‘z ulushidan voz kechish va h.k.*). Natijada joriy yilning 1-iyul holatiga jami **2136 ta holat bartaraf etilishi** ta’minlandi. Mazkur yo‘nalishda tegishli chora-tadbirlar davom ettirilmoqda.

### **3. Kon-geologiya vazirligi va tizimosti korxonalarida korrupsiogen xavf-xatarlarni baholash natijalari.**

Kon-geologiya vazirligida korrupsiyaga oid huquqbuzarliklarni o‘z vaqtida aniqlash, ularni oldini olish va chek qo‘yish, korrupsiya oqibatlarini, shuningdek, ushbu illatga imkon beruvchi barcha sabablar va shart-sharoitlarni bartaraf etish maqsadida Vazirlik ijro apparatidagi barcha lavozimlar va funksiyalar tahlil qilinib, korrupsiyani keltirib chiqaruvchi omillar asosida Kon-geologiya vazirligida korrupsiogen xavf-xatarlar xaritasi tuzildi.

Unga ko‘ra, Kon-geologiya vazirligining 25 ta funsyailarida korrupsiyaviy xavf-xatarlar mavjudligi, shundan 2 tasida korrupsiya xavf-xatari “Yuqori” bo‘lgan lavozimlar, 16 tasida “O‘rta”, 7 tasida “Past” daraja qayd etilgan.

Bu yo‘nalishdagi ishlar alohida Ish reja asosida davom ettirilishi begilandi va Vazirlikning korrupsiogen xavf-xatariga eng ko‘p moyil bo‘lgan lavozimlar ro‘yxati shakllantirilib, korrupsiyaviy xavf-xatarlarni minimallashtirish choralari ishlab chiqildi va mas‘ul ijrochilar va tadbirlar muddatlari belgilandi. Mazkur jarayonlarni barchasi “Ye-anticor.uz” elektron platformasiga yuklangan.

Tizim osti korxonalari – “Navoiy KMK”, “Olmaliq KMK”, “O‘zmetkombinat”, “O‘zbekko‘mir”, “Sharg‘unko‘mir”, “O‘zbek geologiya qidiruv”, “O‘zbekgeofizika” AJlari, “O‘zbekgidrogeologiya”, “Yer qa‘ridan foydalanish markazi”, “Navoiy davlat konchilik va texnologiyalar universiteti”, “Geologiya fanlar universiteti”, “Mineral resurslar instituti”, “Geologiya va geofizika instituti”, “Gidrogeologiya va muxandislik geologiyasi instituti”, “Neft va gaz konlari geologiyasi hamda qidiruvi instituti” DMLarida hamda Tog‘-kon sanoati va geologiya sohasini nazorat qilish inspeksiyasida korrupsiogen xavf-xatarlarni baholash jarayoni amalga oshirilishi natijasida jami **2256 ta funksiyalar** baholanib, shundan **147 tasi “yuqori”, 348 tasi “o‘rta” va 1794 tasi “past”** daraja qayd etilgan.

Hozirgi kunda yuqoridagi tizimosti korxonalarida korrupsiyaviy xavf-xatarlarni minimallashtirish choralari ishlab chiqilib, ijroga qaratilgan.

### **4. Tog‘-kon sanoati va geologiya vazirligida xaridlarni tashkil etish sohasida quyidagi tadbirlar amalga oshirilgan.**

Tog‘-kon sanoati va geologiya vazirligi tomonidan 2025-yilning 1-iyul holatiga jami jami **5,1 mlrd. so‘mlik jami 217 ta** shartnomalar rasmiylashtirilgan (*2024-yilning shu davrida 5,3 mlrd. so‘mlik jami 135 ta shartnomalar rasmiylashtirilgan*).

Shundan 144 ta xarid (*1 432,3 mln. so‘m*) elektron do‘kondan, 1 ta (*4,6 mln. so‘m*) elektron auksiondan, 49 ta (*838,1 mln. so‘m*) kooperatsiya portali orqali, 10 ta (*2 178,1 mln. so‘m*) yagona yetkazib beruvchilar bilan, 13 ta (*604,1 mln. so‘m*) shartnoma O‘zbekiston Respublikasi Prezidentining 2018-yil 27-sentyabrdagi PQ-3953-sonli qarori

talablari asosida shartnoma imzolangan. Mazkur xaridlarni tahlil qilish natijasida quyidagilar ma'lum bo'ldi.

Davlat xaridlarini tahlil qilish natijasida quyidagilar ma'lum bo'ldi:

- O'zbekiston Respublikasi Prezidentining 14.09.2021-yildagi PF-6313-son Farmoni 3 (v)-bandi hamda "Kon-geologiya vazirligi bilan tuzilayotgan shartnomalarni kelishish, imzolash va ijro etish Siyosati" talablariga muvofiq har bir shartnomaga korrupsiyaga qarshi kurashish bo'yicha qo'shimcha ogohlantirish bandlari kiritilgan;

- tuzilayotgan shartnomalarni tashabbuskor tomonidan kontragentlarni o'rganish orqali uning ishonchliligi, moliyaviy barqarorligi, davlat amaldorlari bilan aloqadorligi, manfaatlar to'qnashuvi mavjudligini tekshirish orqali yuzaga kelishi mumkin bo'lgan xavflarni kamaytirish bo'yicha ishlar to'g'ridan to'g'ri tuzilgan **12 ta** shartnomalarda amalga oshirilgan va tegishli xulosalar taqdim etilgan;

- Kon-geologiya vazirligida davlat xaridlari jarayonida manfaatlar to'qnashuvini oldini olish maqsadida **32 ta** xodimlarning yaqin qarindoshlariga tegishli bo'lgan **53 ta** tadbirorlik subyektlari ro'yxati shakillantirildi va xaridlarni amalga oshirishda mazkur ro'yxatdan birinchi navbatda tekshirish tartibi yo'lga qo'yildi;

- "Davlat xaridlari to'g'risida"gi Qonunining 33-moddasida "Davlat xaridlari qiymatining bozor narxlariga muvofiqligini baholash uchun davlat buyurtmachisi ochiq axborot manbalaridagi axborotlardan yoki boshqa ishonchli manbalardan foydalanish" talabi bajarilmoqda. Natijada hisobot davrida **30,0 mln.** so'mdan ortiq vazirlik mablag'lari tejalishiga olib kelgan.

Tizimosti korxonalari tomonidan 2025-yilning 1-iyul holatiga jami **25 627 ta** shartnomalar O'zbekiston Respublikasining "Davlat xaridlari to'g'risida"gi Qonuni hamda O'zbekiston Respublikasi Prezidentining 2018-yil 27-sentyabrdagi PQ-3953-sonli qarori talablari asosida tuzilgan.

Shundan, to'g'ridan to'g'ri yagona yetkazib beruvchilar bilan tuzilgan shartnomalar **1643 tani** tashkil etadi va ularga korrupsiyaga qarshi kurashish bo'yicha qo'shimcha ogohlantirish bandlari kiritilmoqda. Mazkur tuzilayotgan shartnomalarni tashabbuskor tomonidan kontragentlarni o'rganish orqali uning ishonchliligi, moliyaviy barqarorligi, davlat amaldorlari bilan aloqadorligi, manfaatlar to'qnashuvi mavjudligini tekshirish orqali yuzaga kelishi mumkin bo'lgan xavflarni kamaytirish bo'yicha ishlar **2 256 ta** shartnomalarda amalga oshirilgan va tegishli xulosalar taqdim etilgan.

## **5. Tog'-kon sanoati va geologiya vazirligi va tizim osti korxonalarida ishga qabul qilish jarayoni amaldagi qonunchilikka muvofiqligi va mehnat munosabatlarida amaldagi qonunchilik buzilish holatlari.**

Mazkur yo'nalishda korrupsiogen omillarni bartaraf etish maqsadida Vazirlik bo'sh o'rinlari to'g'risidagi ma'lumotlar doimiy ravishda rasmiy veb-saytga va Davlat xizmatlarini rivojlantirish agentligining "vacancy.uz" saytida berib borilmoqda. Hisobot davrida 13 ta lavozimga fuqarolarni ishga olish ochiq tanlov va "Argos" tizimi orqali test sinovlari amalga oshirilgan hamda o'tkazilgan sinov tadbirlarini Internet orqali real vaqt rejimida kuzatish ta'minlangan.

Shu bilan birga, "Ishga qabul qilinayotgan nomzodlarni tekshirish bo'yicha Yo'riqnoma" asosida **13 ta** nomzod o'rganilgan va tegishli xulosalar berilgan.

Vazirlikning korrupsiyaga qarshi siyosati talablari asosida xodimlarning mehnat shartnomasiga korrupsiyaga qarshi qo‘shimcha ogohlantirish bandlari kiritilmoqda va qayta imzolanmoqda.

Mehnat munosabatlarida qonun buzilish holatlarini va aloqa kanallari orqali yuborilgan murojaatlarni o‘rganish maqsadida hisobot davrida vazirlik tomonidan **2 ta** xizmat surishtiruvni o‘tkazilgan, natijalari bo‘yicha tegishli xulosalar tayyorlangan va tegishli chora-tadbirlar ko‘rilgan. Jumladan, 2024-yil 3-iyuldagi “Yashirin iqtisodiyotni qisqartirish bo‘yicha Maxsus komissiya yigilishi bayoni”da (1-son) Tog‘-kon sanoati va geologiya vazirligiga sohada yashirin iqtisodiyot ulushini qisqartirish bo‘yicha bir qator topshiriklar berilgan bo‘lsada, mazkur hujjatda qayd etilgan **5 ta** tadbir ijrosi ta‘minlanmaganligi aniqlandi. Xizmat tekshiruv natijasi bilan aniqlangan kamchiliklarga yo‘l qo‘ygan **1 nafar** vazirlik va **2 nafar** tizim mas‘ul xodimlarga nisbatan intizomiy jazo choralari qo‘llanildi.

“O‘zbek geologiya qidiruv” AJda davlat xaridlarini amalga oshirish jarayoni xizmat teshiruv doirasida o‘rganildi, natijasi bo‘yicha to‘plangan materiallar tegishli choralar ko‘rish maqsadida Jamiyatning Kuzatuv kengashiga yuborildi.

Yuqorida ta‘kidlangan kamchiliklarni bartaraf etish, oldini olish va kegusi davrda takrorlanmaslik maqsadida Kon-geologiya vazirligi tizimiga kiruvchi barcha korxonalar, muassasa va aksiyadorlik jamiyatlari rahbarlariga tegishli chora-tadbirlar ishlab chiqish to‘g‘risida ko‘rsatma yuborildi.

Hisobot davrida tizim osti korxonalari tomonidan jami **188 ta** xizmat surishtiruvlari o‘tkazilgan. Mazkur tadbir natijasida tizimosti korxonalarida aniqlangan holatlar yuzasidan huquq-tartibot organlariga jami **58 ta** hujjatlar to‘plami taqdim etilgan, ular tomonidan **11 ta** jinoyat ishlari qo‘zg‘atilgan, ichki me‘yoriy hujjatlar talablarini buzgan tizimosti korxonalarining **93 ta** xodimiga intizomiy jazo qo‘llanilgan va **28 ta** xodim egallab turgan lavozimidan ozod qilingan.

Xizmat tekshiruvlari natijasida aniqlangan kamchiliklarni keyingi davrlarda takrorlanishini oldini olish maqsadida har bir tizim tashkiloti tomonidan tegishli chora-tadbirlar ishlab chiqilgan va profilaktik tadbirlar o‘tkazilgan.

## **6. Tog‘-kon sanoati va geologiya vazirligi va tizim korxonalarida korrupsiyaga qarshi tartib-taomillarning samaradorligini monitoring va nazorat qilish.**

Tog‘-kon sanoati va geologiya vazirligida korruputsiyaga qarshi kurashish bo‘yicha tasdiqlangan Dasturga muvofiq tizim korxonalarida korrupsiyaga qarshi tartib-taomillarning samaradorligini monitoring va nazorat qilish rejalashtirilgan.

Mazkur rejaga muvofiq joriy yilning 10-21-fevral kunlari **Vazirlik markaziy aparati** xodimlariga 2024-yil iyul-dekabr oylarida berilgan to‘lovlar va rag‘batlantirishlarning tahlili monitoring qilindi. Natijada amaldagi tartib-taomillarga muvofiq amalga oshirilganligi ma‘lum bo‘ldi.

Xususan, vazirlik tomonidan hiosbot davrida “Navoiyuran” DK, “Geologiya fanlar universiteti” DM va “Gidrogeologiya va muxandislik geologiyasi instituti” DMda sohaga oid ichki me‘yoriy hujjatlarni tatbiq etish bo‘yicha hamda tarmoq korxonalaridagi korrupsiyaga qarshi ichki nazorat tuzilmalarida monitoring tadbirlari o‘tkazildi. Natijasi bo‘yicha mazkur tashkilotlarga tegishli takliflar va amaliy yordam ko‘rsatildi.

**7. Xodimlarning huquqiy ongi va madaniyatini rivojlantirish, korrupsiyaga nisbatan toqatsizlik prinsipini shakllantirish maqsadida o'tkazilgan profilaktik tadbirlar va mazkur sohada malaka oshirish bo'yicha quyidagi ishlar amalga oshirildi:**

Tog'-kon sanoati va geologiya vazirligida korrupsiyaga qarshi kurashish bo'yicha tasdiqlangan Dasturga muvofiq Vazirlikning "Korrupsiyaga qarshi siyosati", "Odob-axloq kodeksi", "Manfaatlar to'qnashuvini boshqarish bo'yicha Nizom" talablari asosida tushuntirish-profilaktik tadbirlari o'tkazildi.

Jumaladan, Vazirlik xodimlariga korrupsiya tushunchasi, mazkur sohadagi qonunchilik talablari, korrupsiyaviy harakatlar uchun javobgarlik to'g'risidagi ma'lumotlarni yetkazish hamda korrupsiyaga qarshi kurashish sohasida xodimlarning huquqiy ongi va madaniyatini doimiy ravishda yuksaltirish maqsadida joriy yilning 18-mart va 6-may kunlari O'zbekiston Respublikasi Bosh prokuraturasi mas'ul xodimlari ishtirokida korrupsiyaga qarshi kurashish sohasida amalga oshirilayotgan islohotlar to'g'risida Vazirlik binosida seminar o'tkazilgan.

Joriy yilning 20-iyun kuni O'zbekiston Respublikasi **Ichki ishlar vazirligi akademiyasi** professori, polkovnik Qobilov Sharifjon Raximovich, **Toshkent davlat yuridik universiteti** "Jinoyat huquqi, kriminologiya va korrupsiyaga qarshi kurashish" kafedrası professori, yuridik fanlari doktori Niyozova Salomat Saparovna, **Kambag'allikni qisqartirish va bandlik vazirligi** xodimlarini malakasini oshirish markazi, "Bandlik va inson resurslarini boshqarish" kafedrası mudiri siyosiy fanlar nomzodi, dotsent To'xtaboyev Xayrullo Nosirovich ishtirokida korrupsiya va uni keltirib chiqaruvchi omillar, mazkur sohada qabul qilingan qonunchilik hujjatlari talablarini xodimlarga yetkazish maqsadida seminar tashkil etildi va xodimlar o'rtasida tushuntirish ishlari amalga oshirildi.

Hisobot davrida Vazirlik va tizim korxonalari xodimlarida korrupsiyaga nisbatan muhosasiz munosabatni shakllantirish, ularning huquqiy ongi va madaniyatini yuksaltirish maqsadida Ichki nazorat bo'linmalari xodimlari tomonidan jami **362 ta** tushuntirish-profilaktik tadbirlari amalga oshirildi.

**8. Korrupsiyaning oldini olish va unga qarshi kurashish bo'yicha faoliyatning ochiqligi va shaffofligini ta'minlash hamda ommaviy axborot vositalari bilan o'zaro hamkorlik sohasida quyidagi ishlar amalga oshirildi:**

Tog'-kon sanoati va geologiya vazirligi rasmiy saytida uchta (o'zbek, ingliz, rus) tillarida korrupsiyaga qarshi kurashish sahifasi ochilgan va bu yo'nalishdagi ichki me'yoriy hujjatlar joylashtirilgan hamda tizimda korrupsiyaga qarshi kurashish bo'yicha amalga oshirilayotgan ishlar doimiy yoritib borilmoqda. Jumladan, hisobot davrida tizim korxonalari tomonidan ommaviy axborot vositalari va rasmiy veb-saytlari orqali jami **345 ta** sohaga oid materiallar joylashtirilgan.

Shu bilan birga, korrupsiyaga qarshi kurashish sohasida bannerlar, ko'rgazmali stendlar tayyorlandi. Ularni ommalashtirish maqsadida korrupsiyaga qarshi kurashish sohasida axborot materiallari va ishonch telefoni va elektron pochta to'g'risidagi ma'lumotlar joylashtirilgan.

Bundan tashqari, "Kon-geologiya vazirligi tizimida davlat xaridlari shaffof, ochiq va adolatli jarayon" nomli videorolik tayyorlandi va vazirlikning ijtimoiy tarmoqlaridagi sahifalarida yoritildi (havola: <https://t.me/uzdavgeolcom/19763>).

Korrupsiyaga qarshi kurashish hamda uning oldini olish bo'yicha 2025-yilga mo'ljallangan Dasturda belgilangan vazifalar ijrosi yuzasidan har chorakda hisobot tayyorlanib, "Ye-anticor.uz" platformasi orqali Korrupsiyaga qarshi kurashish agentligiga hamda yozma ravishda Hisob Palatasiga yuborilmoqda.

**9. Tizimda korrupsiyaga oid huquqbuzarliklarni aniqlash, ularning oldini olish va chek qo'yish, oqibatlarini, shuningdek, ushbu illatlarga imkon beruvchi sabablar va shart-sharoitlarni bartaraf etish maqsadida quyidagi vazifalarni belgilab olindi:**

Vazirlik va tizimdagi korxonalarda aniqlangan korrupsiogen omillarni inobatga olgan holda, ularning oldini olish va chek qo'yish, oqibatlarini, shuningdek, ushbu illatlarga imkon beruvchi sabablar va shart-sharoitlarni bartaraf etish maqsadida takliflar tayyorlash;

O'zbekiston Respublikasi Hisob palatasining yagona axborot tizimlari foydalangan holda davlat xaridlari bilan bog'liq jarayonlarni tahlil qilib borish, insofsiz ijrochilarning yagona reestrini shakillantirish va har chorakda yangilab borish;

Vazirlik xodimlari tomonidan ichki tartib qoidalarga, shu jumladan, "Odob-axloq kodeksi" talablariga rioya etilishini o'rganish, manfaatlar to'qnashuvini oldini olish bo'yicha tizimli tahlil o'tkazish;

sohaga oid ichki me'yoriy hujjatlarni tatbiq etish hamda tarmoq korxonalardagi komplayens xizmati xodimlariga uslubiy va amaliy yordam ko'rsatish;

korrupsiyaga taalluqli murojaatlarning adolatli va xolis ko'rib chiqilishini ta'minlash, mazkur sohada huquq-tartibot idoralari bilan hamkorlikni yo'lga qo'yish;

korrupsiyaga qarshi kurashish sohasida qabul qilinayotgan chora-tadbirlar samaradorligini har chorakda baholash va aniqlangan holatlar asosida qo'shimcha tadbirlar ishlab chiqish.